

BARNE-INTZIRI

Beingoako itxartzean
—goiztar argidiri—,
barruan dantzut zoli
ots baten intziri.

Eguerdiz, galdatan,
zentzunak nik ernai
ta aiots beraren doiñu
dabilkit lertu-nai.

Ler adi, ene gogo,
orrelango intziriz,
itxaropen egotan
goiari atxikiz.

Gaua itzaltsu daneko
ixillez bildua,
ene gogoa dozu
ibilliz auldua.

Zerbait dantzut oindiño,
kezkaren artega,
azken-intziri miña
Jainkori arrenga.